

Liber In-
quisitio-
num.Beding-
feld.

Flixton.

Bungey.

Metting-
ham.Luthing-
land.

Lestoffe.

Somerley.

Cnoberi
urbs.

nem spectavit, rudera, ruinæ, & hinc inde fati-
scentia mœnia ostenduntur. Cum autem ille sub
Rege Henrico Primo dignitate excidisset, quod
à Roberto Normanniæ Duce contra Regem ste-
terit, Rex hunc *Honorem* Stephano Comiti Bo-
noniensi donavit, qui postea Rex Angliæ usu
fructuarius, filio Guilielmo *VVarenia* Comiti re-
liquit. Cum autem ille in expeditione Tholosana
periisset, Reges ipsi occuparunt, donec Rex
Richardus Primus Henrico ejus nominis quinto
Brabantia, Lotharingia Duci cum nepti Ste-
phani Regis è filia (quæ Monialis fuerat) dederit.
Longo post tempore cum jam ad Reges Angliæ
recidisset, Edwardus Tertius Roberto de
Vfford Suffolciæ Comiti (ut accepi) contulit. Nec
tacendum *Bedingfeld* in proximo, quod claræ & ve-
tustæ familiæ nomen indidit, quæ plurimum cla-
ritatis ab hærede familiæ de *Tudenham* accepit.
Inde per *Flixton* pro *Felixton*, à Felice primo Epi-
scopo, ut multa alia in hoc agro, denominatum;
ad *Bungey* decurrit *VVaveney* fluvius, & quodam-
modo circumfundit, ubi castrum & arte, & natu-
ra firmavit Hugo *Bigod* cum seditionum quasi
tempestate Angliam agitentem seditiosi Barones.
De quo quasi inexpugnabili ille gloriari solitus,
VVere I in my Castle of Bungey
Vpon the river of Waveney,
I would ne care for the king of Cockeney.

Nihilominus postea, ne deleretur, grandi pecu-
nia, & obsidibus datis ab Henrico Secundo
redemit. Inde haud multum à ripa, *Mettingham*
cernitur, ubi in planitie castrum quadratum, &
in eo Collegium extruxit loci Dominus Ioannes
cognomine de *Norwich*, cujus filiam & tandem
familiæ hæredem Robertus ille de *Vfford* Suffol-
ciæ Comes in matrimonium cum lauta hæredita-
te accepit.

Iam *VVaveney* mare propius accedens, dum du-
plicem in Oceanum viam sibi frustra molitur,
alteram cum *Gariene* fl. alteram per lacum *Luthing*,
peninsulam effecit non exiguam, quam alii
Lovingland, alii *Luthingland* verius vocant. A *Luthing*
lacu longo & diffuso, qui à littore Oceani orsus in
Garienem fl. emittitur. In cujus ingressu *Lestoffe*
angustius oppidulū mari impendit, in exitu *Gorlston*,
ubi diruti cœnobioli turrim vidimus, quæ ali-
cubi est usui navigantibus. Introrsum ad *Garienem*
sedet *Somerley*, habitatio olim, ut mihi rerulerunt,
Fitz-Osberti, à qua ad equestrem & claram fami-
liam *Iernegatorum* devenit. Superius, ubi *Garienis*
& *VVaveney* aquas commiscunt suas, *Cnoberburg*,
id est, (interprete Beda) *Cnoberi urbs* floruit, nos
Burghcastell hodie vocamus. Quod (ut inquit Beda)
sylvarum & maris vicinitate amœnissimum erat castrum,
in quo monasterium à Fursao Scoto extractum, cu-
jus suafu Sigebertus Rex Orientalium Anglo-
rum vitam monasticam amplexatus se regno ab-
dicavit, qui postea ex hoc monasterio invitatus ex-
tractus, ut suis animum in prælio contra Mercios
adderet, una cum suis interiit. Nunc eo loci
solummodo sunt lacera mœnia, quadrata quasi
forma, è silice & lateribus Britannicis constru-
cta, omniaque vepribus & dumis obsita, inter
quæ Romanorum numismata subinde eruuntur:
adeo ut ex munimentis illis videatur, quæ ad
Saxonum piraticam propulsandam ad *Gari-*
Britannia.

nem flumen statuerunt Romani: vel potius ipsum
GARIANONVM, ubi Stablefiani Equites stati-
onem habuerunt.

Comites & Duces habuit Suffolcia variis fa-
miliis. Sunt recentiores qui *Glanvillo* hoc titulo
olim inclaruisse produnt, sed cum nulla certa ni-
tantur autoritate, quia error obvius, & in pu-
blicis regni tabulariis nihil de illis comperi, do-
nec certius docuerint, ignoscant, si non credide-
ro. Interim tamen *Glanvillorum* familiam in hoc
tractu admodum insignem fuisse agnosco. Nec
ante Regis Edwardi Tertii tempora aliquem ti-
tulo Comitis hujus provinciæ ornatum hæc-
tenus ex testibus fide dignis didici. Ille autem Ro-
bertum de *Vfford*, virum multa domi bellicue
gloria, filium Roberti Seneschalli Aula Regiæ
sub Edwardo Secundo, è Cecilia de *Valoniis* Do-
mina de *Orford*, Suffolciæ Comitem dixit. Huic
succesit filius Guilielmus, cujus cum quatuor
filii præmatura morte ipsi superstiti prærepti es-
sent, & ipse subitanea morte in Comitibus Parla-
mentariis dum sententiam *Communitatis regni* re-
laturus esset expirasset, Robertusque *V Villoughby*,
Rogerus Dominus de *Scales*, & Henricus de *Ferraris*
de *Grobby* propinquiores ejusdem hæredes hæ-
reditatem divisissent: Richardus Secundus Mi-
chaëlem *De-la-Pole* è mercatore ad hunc titu-
lum, & dignitatem Cancellarii Angliæ prove-
xit. *Qui mercimoniis magis, utpote mercator mercatoris*
filius, quam militia occupatus, ut habet Tho. Walsin-
gham. Filius enim ille fuit Guil. *De-la-Pole* qui
primus fuit Major *Kingstoni super Hull*, & ob opes
Baneretti dignitate ab Edwardo III ornatus. Sed
quum tot prosperis confluentibus hominis inge-
nium tantæ fortunæ minime capax esset, solum
vertere coactus extorris obiit. Nec nobilitati
hujus derogat mercatura, nobilium enim filios
mercaturæ operam dedisse quis ignorat? Nec
infiaciabor illum quamvis mercatorem nobili ge-
nere fuisse ortum. Michaël ejus filius restitutus
genuit Michaëlem prælio Agincortensi cæsum,
& Guilielmum, quem Henricus Sextus ex Suffol-
ciæ Comite, primum Suffolciæ Marchionem
creavit, sibi & hæredibus masculis de corpore suo. Et quod
ipse & hæredes de corpore gesserint auream virgam in sui
summitate columbam habentem in die coronationis Regum
Angliæ, & virgam ejusmodi eburneam in coronatione
Reginarum Angliæ. Postea eundem optime meri-
tum ad honorem & titulum Ducis Suffolciæ
evexit. Vir sane erat ille magnus, & eximius,
cum pater enim & tres fratres vitam Gallico
bello patriæ fortiter profudissent, ipse, ut habe-
tur in Tabulis Parlamentariis xxviii Henrici
Sexti, in eodem bello totos triginta quatuor an-
nos militavit, annos septemdecim continuos è
militia domum non reversus, semel captus, cum
adhuc tantum ex Equestri esset ordine, viginti
millia librarum monetæ nostræ ad se redimen-
dum dependit, Regi fuit à consiliis annos quin-
decim, & Garteriani Ordinis socius annos tri-
ginta. Hinc ut maxima apud principem gratia,
ita ob id majori apud plebem flagravat invidia,
& leviculis de causis, quæ parum liquebant, in
exilium actus, dum Galliam peteret ab adver-
sariis in mari interceptus, securique percussus.
Filiam reliquit ille Ioannem, qui Edwardi Quar-
ti fo-

Suffolciæ
Duces &
Comites.Inq. 5.
Rich. 2.*Lelandus
in Com. in
Cygneam
cantio-
nem.Walsin-
ghamus
pag. 358.
Regist.
Mon. de
Melfa. Vi-
de Hullum
in Comi-
tatu Ebor.